

Seksual Harasmen

Wanem ya Seksual Harasmen?



VANUATU WOMEN'S CENTRE

PO Box 1358, Port Vila, Vanuatu

Phone (678) 25764/24000

Fax (678) 22478

Email: vwnc@vanuatu.com.vu

Free Line: 161

**Australian
Aid** 

WANEM IA SEKSUAL HARASMEN

Seksual harasmen hemi ol kaen fasin o aksen we ishoem seksual aksen we narafala ino wansem, o askem, o agri long hem. Oltaem man o woman imekem long nara man o woman imekem long nara man o woman ofenda ya I mekem aksen olsem long wan victim.

Viktim hemi no no laekem ol aksen olsem, ino askem mo ino givim bak aksen ya long ofenda.

Seksual harasmen hemi no wan aksen we ofenda hemi mekem from we hemi laekem victim. Hemi no aksen blong soem lav. Fasin olsem ino fasin we man/woman ya istap laekem blong statem wan rilesensip o ilukluk se narawan ya hemi naes.

Ol fasin blong seksual harasmen ifulap. Igat ol kaen rabis toktok o swea toktok we wan man/woman isingaotem wan narawan long hem, nara fasin hemia ol wisel olbaot long rod, tajem narafala o lukluk strong long hem. Long ples blong wok igat ol bos we taem oli stap wokbaot pas long ol woman oli ko fas long bodi blong woman ya. Samtaem, boe ia save holem woman ya, o ipasem han blong hem ova long klos klos blong woman, o italem sam tokok we ino stret blong talem.

Eври toktok ya we istap taon ya, oli ol fasin blong seksual harasmen:

- Wisel long ol woman long rod
- Talem ol nogud toktok long saed blong seks long woman
- Tokbaot ol toti tokplei long narawan we ino laekem o glad long hem.
- Oltaem askem praevet seksuel laef blong narafala taem taem we hemi no laekem
- Oltaem itokbaot ol ting abaot seks, o italem toktok abaot wan samting be igat tu mining blong seks long hem
- Shoem ol rabis pikja long narawan. Olsem ol pikja long kalenda we iseksi, o ol niuspepa we igat ol pikja blong seks, o eni foto we iseksi long foret blong narafala taem we hem ino laekem
- Talem toktok abaot bodi, klos o fes blong nara wan ya we ino gud we ishoem se hemi luk seksi
- Gohet blong askem narawan blong go wetem yu taem we hemi talem finis se hemi no wandem o hemi no intares nating.
- Talem ol toktok we imekem woman i harem nogud, o harem se hemi smol. Ol toktok oltaem istap abaot seks we imekem woman iharem nogud long hem. Toktok" Yu no save mekem from we yu nomo se yu wan woman".
- Mekem ol nogud saen long han blong yu iko long narawan. Hemi mekem saen tu long long nara bodi blong hem.
- Lukluk long taem long narawan wetem ol tingting blong seks
- Ol fasin olsem tajem, holholem, pinjim o kilkilim narafala taem hemi no laekem
- Igo fas long bodi blong narawan
- Stanap o sitdaon klosap tumas long narawan, we imekem hemi no laekem o hemi no wandem
- Kisim o holem narafala, be ino long tingting blong hem
- Taem wan narawan iaskem blong yu mekem wan samting long hem; yu askem olkaen seksual samting bifo yu save mekem ol ting ya long hem. Hemia samtaem taem narawan iaskem blong salari iko antap o iaskem wok, o iaskem blong bos ino sakem hem long wok blong hem, o blong gat ol gudfala kondisen long wok o gat promosen long wok.

SEKSUAL HARASMEN I SAVE KAM WAN KRAEM

Ol kaen fasin blong seksual harasmen ya oli ol KRAEM o oli aksen we oli agensem loa:

- Taem wan man/woman ishoem ful neked bodi blong hem, o praevet pat blong hem long narafala we hemi no laekem.
- Taem wman itelefon o irаем leta mo itoktok nogud long narawan
- Taem man iholholem nogud narafala, olsem iholholem praevet pat blon narafala be hemi no laekem
- Seksuel asolt o rep

Tugeta man mo woman oli save kam victim blong seksual harasmen, be ol woman nao fulap viktm moe bitim ol man. Forom risen ya bae yumi tokbaot ol woman olsem ol victim long buk ya.

Samfala man istap traem blong haetem aksen o fasin blong seksual harasmen mo talem se oli mekem ol aksen o fasin long narafala ya olsem wan tokplei o blong laf nomo, mo ino viktm iharem nogud long hem. Wan tokplei o aksen blong hem gud nomo taem tugeta ofenda mo victim isave laf long hem. Taem victim ino ting se hemi save laf long hem, hemi seksual harasmen.

Ol ofenda we oli stap shoem praevet pat blong olgeta long narawan, kot long Vanuatu iputum olgeta long kalabus.

SEKSUEL HARASMEN LONG PLES BLONG WOK

Seksual harasmen long ples blong wok hemi laef gud istap mo igat fulap fasin. Fulap woman we oli wok oli stap fesem olkaen bihevia olsem hemia we yumi raetem istap antap ia. Long plante taem seksual harasmen ya imekem ihad moa long ol eoman blong mekem gud wok blong olgeta.

Antap moa sapos we ofenda hemi wan senia ofisa blong hem o hemi bigfala bos blong hem.

Samtaem man ya italem ol toktok blong thret blong mekem woman ifraet blong ino talemaot ol fasin blong hem. Isave talem ol toktok olsem se bae woman ya ifinis wok sapos hemi talemaot ol fasin blong hem long ol narafala. Fulap woman oli gohet blong stap long wok mo fesem ol nogud fasin ya forom oli no wandem lusum wok blong olgeta.

Seksual harasmen long ples blong wok imas stop from we igat ol rapis risal long wanwan woman woka, mo iafekem olgeta everidei taem oli wok. Ispoelem wanwan woman ya mo evri woman tu.

Seksual harasmen igat ol rabis risal blong hem long ol woman, insaet mo aotsaet long ples blong wok blong olgeta.

OL KIAMAN TINGITNG (myth)

Wan long ol risen we imekem se seksual harasmen hemi stap olsem wan probem long sosaeti blong yumi, forom se igat fulap kiaman tingting o ol tingting we oli no tru tumas abaot seksual harasmen. Ol tingting olsem ya hemi mekem samfala pipol oli tingting mo oli save yusum blong spoelem laef blong ol woman. Hemia samfala long ol tingting ya:

- KIAMAN TINGTING

Seksual harasmen igohet long smol namba blong ol woman nomo.

- TRU TOKTOK

Fulap long ol risej ishoem se seksual harasmen hemi stap long raon long wol. Ol woman italem se fulap long olgeta ifesem eeridei insaet long ples blong wok, long rod, long ol lafet o klab.

Long seksual harasmen aotsaed long ples blong wok, klosap evri woman we yu toktok long olgeta bae italem se hemi eksperensem seksual harasmen long ol pablik ples.

- KIAMAN TINGTING

Sapos woman itingting strong blong stopem fasin blong seksual harasmen, hemi save mekem. Be sapos hemi kasem seksual harasmen, hemi mas askem blong fasin olsem igohet long hem.

- TRU TINGTING

Fulap man oli stap wandem bilif se taem wan woman italem "NO", hemi minim "YES". Oli no tingting o bilivim o akseptem se taem hemi talem NO hemi minim "NO", mo oli stap gohet blong harasem hem. Hemi had blong wan woman i stopem man blong ino harasem hem, espeseli sapos we hemi fraet blong lusum wok blong hem. Samtaem, bae woman italem "no" wetem wa laf. Hemia hemi fraet, o no wandem kasem raorao o trabol. Ino minim se hemi laekem o agri long fasin blong seksual harasmen ya.

- KIAMAN TINGTING

Fasin we ol woman iwearem klos blong ol, oli stap askem trabol.

- TRU TINGITNG

Inogat wan eskkius blong seksual harasmen nomata hao woman iwearem ol klos blong hem. Man isave kontrolem fasin blong hem mo ol tingting blong hem. Hemia wan kiaman tingting we isemak long hemia we italem se ol man ino save kontrolem olgeta o ol seksual tingting blong olgeta o ol seksual tingting blong olgeta mo oli nogat resposibiliti long ol aksen blong olgeta.

- Kiaman tingting

Taem igat wan fasin blong seksual harasmen, woman ifogetem o ino tingbaot.

- TRU TINGTING

Fulap taem ol woman oli no wandem tingbaot o fogetem. Long semtaem, ol woman italem se taem oli no wari long hem, fasin olsem istap gohet oltaem long olgeta. Itru tu se samtaem, ol fasin olsem istap gohet strong moa o igohet oltaem moa.

- KIAMAN TINGTING

Yu no save stopem ol man mo ol woman taem oli stap laekem olgeta.

- TRU TOKTOK

Seksual harasmen hemi no fasin we wan man ishoem se hemi laekem wan woman, mo istap shoem ol filing blong hem long woman ya. Taem man imekem fasin blong seksual harasmen, hemia ino soem se hemi laekem gud woman mo ilafem hem. Seksual harasmen igoghet taem we wan man we igat paoa iyusum paoa blong hem blong spoelem narawan wetem ol kaenkaen nogud fasin olsem seksual harasmen. Man ya iyusum paoa blong hem ova long yu blong isave mekem ol fasin olsem seksual harasmen.

- **KIAMAN TINGTING**

Man fulap taem istap tokplei o mekem aksen blong laf nomo. Ol woman ino save tokplei nating.

- **TRU TOKTOK**

Toktok plei o aksen blong laf, hemi gud mo istret taem tugeta man mo woman iting se hemi samting blong laf long hem. Sapos we bihevia blong man hemi mekem woman iharem nogud o ino laekem, hemia ino wan toktok plei o toktok blong laf. Hemi harasmen.

LOA I TALEM WANEM

Long Vanuatu inogat wan loa we itokbaot seksual harasmen hem wan. Woman isave mekem ripot long polis mo man ya oli save jasem hem anda long ol narafala loa olsem kriminol o sivil. Sapos man ibin trespass bae oli jasem anda long sivil aksen. Tugeta kaen loa long saed blong kriminol mo sivil oli save jasem wan kes long hem; Samtaem hemi no isi blong pruvum ol aksen blong seksual harasmen.

Fulap kantri olsem Ostrelia, oli gat loa blong seksual harasmen oli agensem loa. Ol kantri ya oli mekem seksual harasmen olsem wan fasin blong seks diskriminesen. Taem ol woman oli kasem ol kaenkaen fasin ya long ol ples blong wok (long ol nara ples tu) oli gat raet blong putum ol komplem o ripot blong olgeta blong wan spesel bodi ilukluk long hem.

Ol woman oli gat raet blong kasem tritmen mo rispek. SEKSUAL HARASMEN I NOGUD

FROM WANEM IGAT SEKSUAL HARASMEN MO IMEKEM WANEM?

Seksual harasmen imoa gud bitim wanem we ol pipol oli tingting long hem. Hemi no afekem ol woman nomo, be wan sosaeti.

SEKSUAL HARASMEN LONG PLES BLONG WOK.

Taem igat seksual harasmen long ples blong wok, bae isave afektem wanwan woman ya mo bae igat ol nogud risal tu long evri woman.

Seksual harasmen bae ispoelem fasin blong mekem wok mo bisnis o wan kampani. Hemia bae wok ino gohet ispoelem ekonomi mo developmen blong kantri blong yumi.

Seksual harasmen imekem wanem long wan woman long ples blong wok?

Seksual harasmen isave spoelem gud wanwan woman long ples blong wok. Taem fasin ya igohet oltaem imekem woman ino save mekem gud wok blong hem from hemi tingting o wari oltaem long fasin ya. Hemia isave spoelem wok blong hem. Woman igat ol rabis ripot abaot fasin we hemi mekem wok blong hem.

Viktim hemi stap gat fraet, shem, harem nogud, kros ensaet mo traem blong faenemaot wanem istap gohet long hem. Laef blong hem isenis mo isave kasem problem long helt blong hem. Hemi nomo biliv long hem wan mo ting nating long hem wan. Sapos ol samting ya igohet woman isave faenem sik, hemi save lusum ol salari blong hem o wok blong hem fromwe hemi no stap kam gud long wok.

Woman isave lusum janis blong hem blong kasem wan promosen o stap long wan wok blong hem sapos we hemi no wandem agri long wan man we itraem ol wandem agri long wan man we itraem ol seksual fasin ya long hem.

Plante woman oli risaen long wok blong olgeta. Samfala ol bos oli sakem olgeta taem we ino gat ol gudfala risen. Ol narafala, kampani imuvum olgeta long nara wok, be wok ya ino blong hemi mekem. Olsem maet wok blong hem ihae, be naoya hemi stap long wok we ino hae o itaon moa. Hemi faenem se fasin blong seksual harasmen ispoelem hem mo ispoelem wok blong hem.

Igat tu samtaem we man ya isave gohet blong mekem fasin ihad blong faenem narafala woman, so problem ino finis be igohet nomo.

Olgeta we oli sakemaot olgeta o oli bin risaen ihad blong faenem nara wok bagegen. Oli no faenem we igat semak samak salari mo maet inogat janis blong gat trening – espeseli naoya taem we ihad blong save faenem wan wok. Samfala bos oli mekem ihad moa long woman taem we oli no wandem raetem wan Referens blong hemi yusum blong faenem nara wok. Samtaem bos igivim rabis referens.

SEKSUAL HARASMEN IAFEKTEM EVRI WOMAN

Taem inogat seksual harasmen, ples blong wok hemi wan gudfala ples we evriwan istap gud tugeta, oli hapi, oli toktok tugeta, oli fren gud. Seksual harasmen ospoelem evri samting ya mo imekem se igat raibis tingting istap long ples blong wok, igat fraet, isave gat olrabis toktok. Woman ino wandem kam long wok from we fasin istap gohet long hem. Samtaem igat ol nara fasin igohet tu olsem diskriminesen from kala blong skin o difren Aelan. Ol fasin olsem ya iblokem ol woman blong oli faenem wok. Hemia ispoelem ol woman from we hemi limitim ol janis blong woman blong wok, trening o winim mane.

Seksual harasmen istap spoelem ol janis blong ol woman isave wok. Sapos wan woman isave wok. Sapos wan woman we istap agri long ol kaenkaen fasin blong seksual harasmen blong kasem wok o kipim wok o gat promosen, hemi mas lusum mane we hemi stap kasem o hemi nomo gat rispek long hem wan.

Fasin blong seksual harasmen ifasin blong luk taon long ol woman ino rabisim mo ispoelem olgeta. Hemi stopem gudfala tingting blong rispektem ol woman. Hemi mekem se oltaem igat tingting istap se ol woman oli gud blong gat seks wetem olgeta, ino gat nara gud samting long olgeta. Hemia ispoelem ol tingting blong tritim ol woman wetem rispek mo luk olgeta se ol woman oli ikwal wetem ol man. Seksual harasmen hemi wan strong fasin blong diskriminesen agensem ol woman.

OL JENEROL IFEKT BLONG SEKSUEL HARASMEN

Seksual harasmen imekem wan woman istap wetem tingting blong threat mo tingting se hemi nogud from we fasin ia ibin spoelem hem. Hemi wan rabis eksperiens tumas.

Fasin blong harasmen ishoem se haf blong populesen imas gohet blong stap kasem ol kaen rabis aksen we ikam long nara haf blong populesen. Oltaem we man istap mekem ol fasin blong seksual harasmen olsem se hemi gat paoa blong mekem ol fasin ya ino shoem rispek. Long woman ya. Hemi no helpem ol wok we ol woman imekem blong gat ikwaliti.

Kaen harasmen ya isave mekem se wan haf blong populesen imas stap fesem ol nogud fasin ya we nara haf istap mekem long olgeta. Evritaem, wan man hemi asoltem wan woman, olsem hemi talem ol nogud toktok long hem, itajem hem taem we hemi no laekem, hemi some se hemi gat paoa blong

mekem fasin ya long hem eni taem we hemi wandem mekem. Taem man itritim wiman witaot rispek, hemi no luksave trae had blong ol woman blong mekem se man itritim olgeta wetem ikwaliti.

FOROM WANEM NAO SEKSUAL HARASMEN IGOHET?

Long ol sosaeti blong yumi ol man mo woman oli no tritim olgeta se igat ikwaliti.

INO GAT SEMAK TRITMEN LONG PLES BLONG WOK

Ol woman oli stap long ol posisen we mane blong olgeta ismol nomo, mo fulap nao oli wok long ol ples blong wok o indastri we salari hemi smol nomo. Ol woman oli no stap kasem semak salari olsem ol man, fulap taem hemi smol.

Kolosap ol man nomo oli holem ol hae posisen we oli stap mekem ol desisen. Hemia yumi save talem se, long ples blong wok, man igat pawa blong mekem desisen mo gat pawa ova long evriwan, long ples blong wok. Woman inogat.

WOMAN IBIN LANEM BLONG LUKAOT LONG NID BLONG MAN

Long taem we woman mo man igat rilesensip, fulap taem yumi stap ekspektem man blong mekem tingting blong seks. Be woman, ibin lanem oltaem stat taem hemi smol blong flasem hem, mo imas mekem gud mo lukaot gud long ol man taem man l wandem wan samting. Hemia nao l mekem se ol man iputum olgeta long ol strong posisen blong pawa long taem blong ol tingitng blong seks.

Seksual harasmen hemi wan wei we ol man oli yusum paoa ya ova long ol woman. Samfala man oli sabe gud wanem yu seksual harasmen, be oli minim nomo blong yusum ol seksual aksen ya blong harasem ol woman. Ol nara man oli no tingbaot nating sipos aksen blong hem ioraet o nogat long woman. Oli ting se hemi wan samting blong laf long hem o wan samting we ino save mekem woman iharem nogud long hem.

OL MAN OLI NO LAEKEM OL WOMAN DIFREN PLES

Samfala man iyusum seksual harasmen olsem wan fasin blong spoelem ol woman blong nara ples (oli no blong aelan o provins blong hem, o nara kantri) \. Long weia ya oli miksimap tingting ya wetem seksual harasmen.

OL MAN OLI ABIUSIM PAOA BLON OLGETA

Seksual harasmen hemi shoem se man iabusim pawa blong hem. Taem igohet long ples blong wok mo ol narawan isave, hemi spoelem mo rabisim wok blong woman ya mo woman ifraet. Fasin ya imekem woman ino stap gud long wok mo oli no save wok long semak ikwel level wetem ol man we oli stap harasem olgeta.

Olsem wan jenerol isiu, seksual harasmen,(semak olsem fasin blong rep), iwan fasin we man iyusum blong spoelem mo rabisim ol woman mo yusum pawa blong olgeta ova long ol woman.

Seksual harasmen hemi fasin blong “kipim ol woman long ples blong olgeta”. Ol woman ino biliv se man ispoelem mo rabisim olgeta long fasin blong seksual harasmen nao hemi RAET PLES blong olgeta!

SEKSUAL HARASMEN HEMI RABISIM WOMAN – INO SAMTING BLONG LAF

WANEM NAO YUMI SAVE MEKEM?

Evriwan isave se seksual harasmen igohet, be igat samfala pipol nomo itritim isiu ya olsem wan rabis problem. Long taem finis, ol woman istap kasem ol aksen ya be oli stap holem taet istap and ino bin kamaot tumas long pablik itokbaot mo stopem. Yumi evriwan imas tokbaot agensem fasin ya mo wok strong blong dil wetem problem ya.

WANEM YU SAVE MEKEM

STOPEM SEKSUAL HARASMEN

- Faenemaot moa abaot problem blong seksual harasmeen. Mekem ol narawan isave abaot problem ya mo wanem yu save mekem blong stopem. Tokbaot problem ya wetem ol woman, olgeta long ples blong wok, ol bos blong yumi, Union mo ol famili blong yumi.
- Lukaot ol simsimol pepa o buk o posta we Vanuatu we Vanuatu Women's Centre mo ol nara grup oli stap putumaot long isiu ya. Tekem mo givim long ol narawan we oli save Givhan blong stopem rabis fasin ya.
- Yu save putumap wan saen long ples we yu wok wetem wan toktok we yu raetem istap long hem, olsem "livim mi blong gohet wetem ol wok blong mi"
- Patisipet long ol aktiviti blong ol nara grup olsem union. Taem we igat janis, enkarejem ol bos blong kampani mo union blong mekem toktok long media, we ikivim ol klia rot blong dil wetem ol komplek abaot problem ya long ples blong wok.
- Helpem ol woman we ol man istap harasem olgeta. Taem yu luk se fasin ya igohet long wan woman, yu go toktok wetem mo givim sapot mo advaes long hem.
- Toktok strong mo mekem kampen blong igat gudfala sekiuriti long olgeta woman we iwok long naet mo olgeta we istap long ol ples we ifarawe tumas long taon o rural eria o vilij.
- Oltaem lukaot lisen gud long ol janis blong kasem ol kaenkaen trening blong self-difens mo sapos ol grup oli ranem. Hemia igud blong ol woman ibildim tras long olgeta wan mo lan blong stopem harasmen.
- Sapos yu wan woman, stanemap ol sapot grup blong save tokbaot oleksperiens, infomesen, ol plan mo ol defderen samting we igat olsem risos wetem o nara woman victim. Yu save stanemap ol grup olsem ya long ples blong wok, long vilij o wan setolmen o wetem ol nara grup ensaet long komiuniti blong yu.

Wan woman istap hem wan, man isave winim tingting blong hem blong seksual harasmen, be taem igat wna grup blong ol woman, igat sapot mo woman ino stap hem wan. Ol man ino win blong harasem wan woman we igat wan sapos.

- Vanuatu Women's Centre istap mekem fulap aweanes toktok abaot isiu ya, mo istap wok long saet blong raet blong ol woman long Vanuatu mo givhan long ol woman we ol man iharasem olgeta.

Sapos yu wandem givhan, toktok long Vanuatu Women's Centre long VBila, Sanma Counselling Centre long Luganville, mo Tafea Counselling Centre long Isangel ol komiti blong vaelens Agensem ol Woman long aelan blong yu.

Telefon namba blong Vanuatu Women's Centre istap long foret blong buk ya.

SAPOS HARASMEN IGOHET LONG PLES BLONG WOK?

Yu ting nating long problem ya mo traem blong foketem. Sapos igohet long yu long ples blong wok, hemi gud yu faenem rot blong stopem kwick taem. Tekem wan aksen blong shoem man ya se yu no laekem aksen blong hem mo yu no wandem igohet.

- Yu save toktok stret long man ya, o mekem wan samting blong hemi save se yu faenem se ol aksen blong hem imekem yu harem nogud. Yu shem long hem mo yu no laekem mo imas stop. Difendem bodi blong yu agensem wan rabis aksen o atak. Yu save toktok kros long hem, toktok strong long hem, toktok gud long hem, o wanem wei yu save we bae istret blong man ya ikasem mesej blong yu abaot situesen we istap. Sapos we yu no shoem se yu no laekem bihevia blong hem, bae fasin ya igohet mo isave kam moa nogud.
- Kipim ol rekod blong ol aksen we igohet long yu. Olsem wanem dei, taem, ples, sipos igat witness, wanem ibin kohet mo wanem yu bin mekem. Faenemaot long olgeta we iwok wetem yu, sipos oli bin lukim fasin ibin gohet blong oli talemaot se oli bin lukim tu. Mo yu shut raetem daon sipos yu bin kasem sam problem wetem helt blong yu long ol taem we fasin blong harasmen igohet long yu. Sipos yu bin kasem sam strong toktok o panismen long bos blong yu, hemia tu yu shud raetm daon. Igud tu blong kipim rekod blong ol gudfala wok we yu stap mekem.
- Tokbaot long Vanuatu Women's Centre we oli save givhan o sapotem yu.
- Sapos yu gat wan sosel grup o union blong yu, go luk olgeta mo talemaot fasin ya we istap gohet long yu, blong oli kivhan long yu blong stopem. Grup o union blong yu isave tekem aksen long bihaf blong yu sapos yu ting se tritmen we yu bin kasem long taem we oli sakemaot yu long wok hemi no stret.
- Yu save ko long polis blong putum wan stetmen o ripotem trabol ya, sapos yu ting se hemia hemi wan stret rot blong stretem rabis fasin ya. Vanuatu Women's Centre istap blong givhan long yu.

SAPOS HARASMEN IGOHET LONG OL NARA PLES

- Fasin blong seksual harasmen igohet tu long ol nara ples. Sapos igohet long yu, yu shoem long man ya we imekem fasin ya se, yu no laekem mo yu wandem se hemi mas stopem. Yu wokbaot strong, mo bae yu no lisen o akseptem ol fasin we istap gohet. Samfala woman bae ifaenem se hemi no save mekem from we ol man ibn mekem hemi fraet oltaem long laef blong hem. Be evri woman isave stat blong lanem wan samting.
- Sapos yu gat wan strong tingting, yu save ansa bak igo long man we istap harasem yu taem yu stap wokbaot long rod, o vilij, o long wan bus. Yu no shoem hem se yu laekem o agri long wanem we hemi stap mekem long yu. Nating sapos yu harem nogud o yu shem, yu save smael o laf igo bak long hem.
- Taem we wan man igohet blong harasem yu we yu bin talem finis long hem se yu no wandem o yu no agri long ol aksen blong hem, yu talemaot klia no strong long hem se. "NO" hemi minim "NO"! Igud blong kasem sapot long ol nara woman. Ol man oli no save mekem fasin ya taem fulap woman istap tugeta o long wan grup.

VANUATU WOMEN'S CENTRE wetem ol grup blong hem oli nidim mane blong sapotem wok blong olgeta mo ol nara issue blong ol Raet blong ol Woman Vanuatu mo ol pikinini blong olgeta.

OL WOMAN OLI GAT RAET BLONG MEKEM WOK BLONG OLGETA MO GOHET LONG LAEF BLONG OLGETA. OLI NOMO WANDEM HARASMEN IGOHET LONG OLGETA.